

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

20/2019 Foru Agindua, urtarrilaren 22koa, hasierako onespena ematen diona Kanpezuko udalerriko Orbiso herrian, 4 poligonoko 353 lurzatian, urmaelera zuzenean ponpatzeko eguzki zentral fotovoltaiko bakandu bat jartzearen interes publikoa adierazteko espedienteari

Orbisoko Ureztatzaileen Elkarteak obra baimena eskatu dio Kanpezuko Udalari, Orbiso herrian, 4 poligonoko 353 lurzatian, urmaelera zuzenean ponpatzeko eguzki zentral fotovoltaiko bakandu bat jartzeko.

Kanpezuko Udalak espedientea bidali du, eta eskatu du izapidetu dadila proiektuaren interes publikoaren adierazpena, ekainaren 30eko 2/2006 Legeak, lurzoru eta hirigintzarenak, 28.5.a) artikuluan xedatutakoa betetzeko.

Espedientean dago proiektu tekniko ikus-onetsia, baita udal arkitektoak eginiko txostena ere, zeinean adierazten baita lurzatia lurzoru urbanizaezinean dagoela (baso area, 3 kategoria), udalerrian indarrean dagoen HAPON aurreikusitakoarekin bat etorritik.

OINARRI JURIDIKOAK

Ingurumen eta Hirigintza Sail honek eskumena du aztertzen ari den espedientea ebazteko, diputatu nagusiaren uztailaren 3ko 133/2015 Foru Dekretuaren arabera, eta Sailaren egitura organikoa eta funtzionala onartzen duen Diputatuen Kontseiluaren otsailaren 9ko 17/2016 Foru Dekretuak 18.c) artikuluan xedatutakoaren arabera.

Bat etorritik lurzoruari eta hirigintzari buruzko 2/2006 Legeak 28.5.a) artikuluan ezarritakoarekin, "lurzoru urbanizaezinean ezingo dira gauzatu aplikatzekoa den arloko legeriak edo lurralde antolamenduak interes publikoko deklaraturako zuzkidura, ekipamendu eta jarduerak berariaz ezartzeko jardunak baizik, zeinak, betiere, dagokion foru diputatuak ebazpen bidez deklaratu behar baititu interes publikoko, hogeit egunez jendaurrean edukitzeko izapidea bete ondoren".

Aztertutako kasuan, hasierako onespena izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du xedatzen, inondik inora, behin betiko onespenerako hartu beharreko erabakirik.

Horregatik guztiagatik, dagozkidan eskumenak baliatuta,

XEDATZEN DUT

Lehenengoa. Hasierako onespena ematea Kanpezuko udalerriko Orbiso herrian, 4 poligonoko 353 lurzatian, urmaelera zuzenean ponpatzeko eguzki zentral fotovoltaiko bakandu bat jartzearen interes publikoa adierazteko espedienteari. Adierazpen hori Orbisoko Ureztatzaileen Elkarteak sustatu eta Kanpezuko Udalak izapidetu du.

Bigarrena. Espedientea jendaurrean jartzea, hogeit egunez, foru agindu hau ALHAOn argitaratzen denetik aurrera. Epe horretan, nahi duen orok egoki iritzitako alegazioak aurkeztu ahal izango ditu. Espedientea Lurralde Antolamenduaren eta Hirigintzaren Zerbitzuan dago interesdunen eskura, azter dezaten.

Gasteiz, 2019ko urtarrilaren 22a

Ingurumen eta Hirigintza Saileko foru diputatua
JOSEAN GALERA CARRILLO